

廣東攷古輯要卷十九

田賦

唐

武德二年制嶺南諸州稅米上戶二石一斗次戶八斗下戶六

斗配租以穀獲險易早晚遠近為差青調輸以八月發以九月

月同時輸者先遠民皆自輸量州府歲市土所出為貢其

價視絹之上下無過五十匹異物磁味茗夷獠之戶皆從

馬鷹犬非有詔不獻有加配則以代租賦半輸蕃胡內附者上戶丁稅錢十文次戶五文下戶免之附

經二年者上戶丁輸羊二口次戶一口下三戶共一口凡水

旱蟲霜為災十分損四以上免租桑麻盡者免調損六以上免租調

先是揚州租調以錢嶺南以米安南以絲益州以羅紬綾絹供

春絲元宗時合江南亦以布代租凡庸調租資課皆任土所

廣東攷古輯要卷十九

田賦

一

宜州縣長官蒞定麤良具上中下三物之樣輸京都有濫惡

督中物之直新唐書食貨志

宋

賦稅自唐建中初變租庸調法作年支兩稅夏輸毋過六月秋

輸毋過十一月遣使分道按率其弊也先期而苛斂增額而

繁征至於五代極矣宋制歲賦其類有五曰公田之賦凡田

之在官賦民耕而收其租者是也曰民田之賦百姓各得專

之者是也曰城郭之賦宅稅地稅之類是也曰丁口之賦百

姓戍輸身丁錢米是也曰雜變之賦牛革蠶鹽之類隨其所

出變而輸之是也歲賦之物其類有四曰穀曰帛曰金曰鐵

物產是也穀之品七粟稻麥黍稷菽雜子帛之類十羅綾絹

紗絕納雜折絲線綿布葛全鐵之品四一日金二日銀三日

鐵蠟四曰銅鐵錢物產之品六一日六畜二曰齒革翎毛三曰茶鹽四曰竹木麻草芻菜五曰果藥油紙薪炭漆蠟六曰雜物其輸有常處而以有餘補不足則移此輸彼移近輸遠謂之支移其入有常物而一時所輸則變而取之使其直輕重相當謂之折變其輸之遲速視收成早暮而寬爲之期所以行民力諸州遂奏戶帳具載其丁口男夫二十爲丁六十爲老兩物折科物非土地所宜而抑配者禁之五代以來常檢視見墾田以定歲租吏緣爲姦稅不均適太祖卽位詔許民闢土州縣毋得檢括止以見佃爲額選官分蒞京畿倉庾及諸道受民租調有增羨者輒得罪多人民租者或至棄市建炎四年下詔禁止令諸州受租籍不得稱分毫合龔銖釐絲忽錢必成文絹帛成尺粟成升絲綿成兩薪毫成束金銀

廣東攷古輯要

卷十九

田賦

二

成錢細不滿半疋絹不滿一疋者許計丈尺輸直無得三戶五戶聚啟成疋送納煩擾夏稅廣南五月一日起納七月十五日畢秋稅自九月一日起納十二月十五日畢後又並加一月或值閏月其田蠶亦有早晚不同有司臨時奏裁廣南福建土多杭稻須霜降成實自十月一日始收租掌納官吏以限外欠數差定其罰限前畢減選升資民連租逾限取保歸辦毋得禁繫宋史食貨志

大中祥符四年詔除廣南舊輸身丁錢

文獻通考

咸平六年廣西運使馮璉上言廉橫賓白州民田雖耕墾未嘗輸送已命官檢括令盡出常租上曰遐方之人宜省徭賦亟

命停罷

同上

皇祐四年冬十一月詔免廣南民供軍需者秋稅十之三

宋史

嘉祐四年復命轉運司裁定郴永桂陽衡道州所輸丁米及錢  
絹雜物無業者弛之有業者減半後雖進丁勿復增取時廣  
南猶或輸丁錢亦命轉運司條上自是所輸無幾矣皇祐中  
天下墾田視景德增四十一萬七千餘頃而歲入凡穀廼減  
七十一萬八千餘石景德中賦役之數總四千九百一十六  
萬九千九百至皇祐中增四百四十一萬八千六百六十五  
治平中又增一千四百一十七萬九千三百六十四其赦令  
蠲除以便於民若逃移戶絕者不追景德中總六百八十二  
萬九千七百皇祐中三十三萬八千四百五十七治平中一  
千二百二十九萬八千七百每歲以災害蠲除者又不在是  
焉元豐中以海南四州軍稅籍殘缺吏多增損輒移稅入他  
戶代輸瓊州昌化軍丁稅米歲移輸朱崖軍道遠民以爲苦

廣東攷古輯要

卷十九

田賦

三

用體量安撫朱初平等議根括四州軍稅賦舊額存其正數

二州丁稅米止令輸錢於朱崖自糴以便民

宋史食貨忠

元豐間檢正中書戶房公事畢仲衍投進中書備對內所述天  
下四京一十八路墾田並夏秋二稅見催額數目國朝令要  
及四朝食貨志並不曾登載如此詳密故錄於此廣南東路  
田三萬一千一百八十五頃一十八畝官田二百七十頃七  
十二畝見催額七十六萬五千七百一十五貫正斤石夏稅  
三萬五千七百六十四貫正斤秋稅六十  
二萬九千九百五十一貫石 文獻通考  
宣和元年戶部尚書唐恪稽考諸路上供錢物之數內廣南東  
路一十八萬八千三百貫匹兩

紹興三年令二廣人戶稅租合支移者量地里遠近遞攤無得

過三百里

俱同上按建炎四年五月用江浙制置司隨軍轉運預借秋料苗米又謂之支移所發

紹興二十九年丁卯除南雄英連三州經界復丁米舊額宋史高宗

本紀

乾道間詔沒官田產除兩淮京西湖北勿賣外江浙閩廣湖南八路以田計者六百四十二萬畝有奇以地計者二萬一千畝有奇以屋計者八千四百間有奇共估錢五百十六萬餘

緒朝野雜記

蘇軾以惠州秋米六萬餘碩九分二釐以下納人戶賣米二斗

以上方得納一斗請依見在市賣實直估定其第五等人戶並聽情願任納錢米不拘前來元科數目東坡文集

元

天下歲入糧數總計廣省八十四萬三千七百八十七石元史食貨志

廣東攷古輯要

卷十九

田賦

四

至元三十年八月丁未湖廣行省言海南海北多曠土可立屯

田詔設鎮守黎蠻海北海南屯田萬戶府以董之世祖本紀

至元三十年召募民戶並發新附士卒於海南海北等處置立

屯田成宗元貞元年以其地多瘴癘縱屯田軍二千人還各翼留二千人與召募之民屯種大德三年罷屯田萬戶府屯

軍悉令還役止令民戶八千四百二十八戶屯田瓊州路五

千一十一戶雷州路一千五百六十六戶高州路九百四十

八戶化州路八百四十三戶廉州路六十戶為田瓊州路二

百九十二頃九十八畝雷州路一百六十五頃五十一畝高

州路四十五頃化州路五十五頃二十四畝廉州路四頃八

十八畝元史食貨志

至治三年十二月丁亥詔以明年為泰定元年免大都興和差

稅三年免八番思播兩廣洞寨差稅一年元史泰定帝紀  
罷廣東福建採珠蛋戶爲民仍免差稅一年同上

明

廣東布政司田土計二十三萬七千三百四十頃五十六畝明會典

廣東布政司官田一萬七千九百六十一頃九十六畝二分三釐

民田五萬四千三百六十二頃四十九畝九分三釐

廣東都司並所屬衛所屯田共七千二頃三十畝七分

廣東布政司秋糧京庫折銀米四十萬石每石折銀二錢五分

廣東布政司夏稅麥五千三百二十石秋糧米一百四萬四千

七十八石俱同上

永樂中廣東瓊州黎人肇慶徭人內附輸賦比內地天下本色

廣東攷古輯要 卷十九 田賦 五

稅糧二千餘萬石絲鈔等二千餘萬計明史食貨志

正統元年令廣東布政司折色稅糧布疋願納銀兩者俱米麥

一石折銀二銀五分解京折給軍官俸銀明會典

八年令廣東布政司查勘各處倉糧扣算常存本處官軍俸糧

三年沿海衛所五年餘剩之數每米一石折銀二錢五分解

京發各邊折給俸糧及糴糧備用

宏治十五年廣東布政司夏稅米五千九百七十八石三斗四

升二合九抄九撮六圭四粒農桑絲折絹一百十疋六尺二

寸五分零絲一十三斤六兩一錢一分四釐改科絹二十五

疋秋糧米一百一萬七千八百八十六石一斗七升七合六勺七

抄二撮四圭九粟五粒改科絲折米一十二石五斗四升五

合五勺俱同上

正德十一年兩廣總督陳金以南雄府之保昌縣舊有虛糧七十餘石每年責令見戶陪納公以本府太平橋所抽稅銀歲不下萬餘兩多入私門乃以稅銀四之一代納又以湖州府所轄諸縣亡戶米及失總米五千二百餘石均派無干之民亦於本府廣濟橋鹽利內如數代納獻徵

嘉靖八年霍韜言自洪武及宏治百四十年天下額田已減強半而湖廣河南廣東失額尤多非撥給於王府則欺隱於猾民廣東無藩府非欺隱即委棄於寇賊矣司國計者可不究心是時桂鄂郭宏化唐龍簡霄先後疏請覈實田畝而顧鼎臣請履畝丈量丈量之議由此起江西安福河南裕州首行之而法未詳具人多疑憚其後福建諸州縣為經緯二冊其法頗詳然率以田為主田多者猶得上下其手神宗初建昌

廣東攷古輯要 卷十九

田賦

六

知府許孚遠為歸戶冊則以田從人法簡而密矣明史食貨志

賦役之法萬厯時小有增損大畧以米麥為主而絲絹與鈔次

之夏稅之米惟江南湖廣廣東廣西農桑徧天下惟不及川

廣雲貴餘各視其地產明史食貨志

瓊田歲常三復以賦軍軍不時授俟民乏乃急斂以要利知府

王伯貞為立期三輸之弊始絕明史王直傳

嘉隆間廣東以軍興故增民間稅至萬厯初亂定李戴為戶科

給事中奏正之明史李戴傳